

澚墅關志卷之三

督理澚墅鈔關禮部祠祭清吏司主事陳常夏鑒定
蘇州府吳縣學纂修郡縣志廩膳生員孫珮纂輯
建置

通計天下戶工兩部關橋一十有七澚關居首額最重非
他關可北元抽分竹木於澚墅明初亦抽分竹木諸物於
澚墅然皆名場而不名關宣德間始稱鈔關嗣後沿革不
我

朝亦屢更其制固可按年而考者乃次第書之
元

澚墅關志

卷三

一

至正間置抽分竹木場於長洲縣澚墅鎮分辨於崑山太倉凡
客商往來貨物以多寡爲制

明

洪武初設官置場於蘇州府閭門葑門平望抽分竹木柴炭茅
草蘆柴等物分辨如故尋以不便罷革止設澚墅巡檢司盤
詰及澚墅急遞舖傳致公移後巡檢司廢急遞舖尚存
永樂七年差御史監生於各處收課衙門開辦課程

宣德四年令南京至北京沿河漕縣臨清濟寧徐州淮安揚州
上新河客商輳集處設立鈔關收船料鈔差御史及戶部官
照鈔關法例監收船料鈔如隱出及倚勢不納鈔者船沒人

官犯人治罪惟裝載自己米糧薪芻及納官物者免納澚墅關鈔

宜是立於亦年

正統四年令取回監收船鈔御史止令原設官員收管是年又令原差收鈔官取回每船一百料納鈔四十貫

○六年罷監收船料鈔官

景泰元年戶部尚書金濂建言仍於澚墅添設鈔關以算商船料鈔是年差主事二員於湖廣金沙洲江西九江監收船鈔一年更代每船一百料納鈔十五貫又差主事于蘇杭二府監收船料鈔亦一年更代澚墅關專差部官監收船料鈔始此

澚墅關志

卷三

一一

○六年令河西務臨淮揚蘇杭及九江金沙洲監收船鈔上事俱取回令各府委佐貳官一員每歲輪收仍行各處巡河或巡按御史提督兼管

成化元年令罷蘇杭淮揚臨清九江金沙洲等處收船料鈔澚墅鈔關是年罷革

○三年令蘇杭二府各委佐貳官監收船料錢鈔

○四年罷蘇杭金沙洲九江四處鈔關澚墅鈔關是年罷革

○七年復設九江蘇杭二府鈔關各差主事一員監收

鈔

○八年罷各處鈔關差官令府委官監收船料鈔澚墅關蘇

州府委官監收至弘治五年止

弘治六年令商稅止差主事監收不必御史巡察又令河西務蘇州九江臨清錢糧多處戶部各差官一員淮安揚州杭州錢糧少處南京戶部各差官一員俱一年更代自後不許再委隔別衙門官員侵管重復擾民澚墅鈔關自是額定差官監收

○十二年主事賴先按法船五尺以下權不及于閘傍斃一石渠各曰永通渠止容不稅小船過往甚爲民便
嘉靖九年令各鈔關主事凡遇差滿須待接管官員交代方許離任

澚墅關志

卷三

三

○三十五年復罷蘇州鈔關差官令府委官監收船料鈔

○三十七年戶部復差主事監收船料鈔一年更代

隆慶二年各處鈔關主事各鑄給關防撰給勅書所屬司局衙門等官該關差滿備開賢否送部咨送吏部考察

萬曆二十九年遣內侍權稅蘇松各郡奸民投托號曰司房恣威漁獵民不聊生蘇民葛成等倡義擊之罷市稅置稅務于澚墅關北撫按每季委四府內佐貳官監收一地兩關稅額煩重

○三十六年吳中水災異常巡撫都御史周孔教請澚墅關課貯蘇州府庫以備賑濟

泰昌元年奉遺詔停革澆墅關北稅務商民更生

皇清

順治二年照明例差戶部主事一員

○四年各處鈔關兼差滿漢官二員筆帖式一員

○九年撤回滿官一員筆帖式一員尙差漢官一員

○十二年科臣萬達奏准各關仍兼差滿漢官二員筆帖式一員

○十四年撤回滿官一員筆帖式一員止差漢官一員

康熙元年科臣賽音達禮奏准各關仍兼差滿漢官二員筆帖式一員六部輪遣

澆墅關志

卷三

四

○四年停止差遣官員歸併地方官員管理蘇松常分守道接任

○七年裁汰道缺歸併府佐

○八年科臣蘇拜奏准仍兼差滿漢官二員筆帖式一員六部輪遣

○十二年不論滿漢掣籤差遣一員筆帖式一員

○二十三年戶部議得六部司官點前差遣外查宗人府理事官副理事官主事內閣侍讀起居注主事此三衙門作一分差遣兵部督捕郎中員外郎主事太僕寺員外郎此二衙門作一分差遣理藩院郎中員外郎主事大理寺寺正光祿

寺署正此三衙門作一分差遣以上八衙門與六部司官品級相同照六部算俸差遣查得戶部刑部工部此三部筆帖式俱一百有餘其吏部禮部兵部筆帖式共少應歸入宗人府等衙門作分差遣吏科國子監歸入吏部內鴻臚寺太常寺戶科中書科歸入禮部內鑾儀衛起居注歸入兵部內內閣中書歸入宗人府內大理寺光祿寺禮科兵科詹事府通政司欽天監歸入理藩院內太僕寺刑科工科翰林院歸入督捕內將伊等筆帖式亦按年分差遣奉
有依議

○二十五年內務府慎刑司郎中桑格脩復永通渠聽小船

澂野關志

卷三

五

往來即便民僑也未經

題報尋行閉塞

○二十六年九月宗人府副理事官禪代建議移關無錫縣遠近震恐適巡撫都御史田雯自淮回蘇沿途呼籲卽發示安民代知輿情未協申覆督撫自寢前議致取憲駁二十七年刑部員外郎桑豪極陳移關不便更張擾民督撫允從移關之議遂息鎮民建書院於崇福橋南勒石頌德

○二十九年十月吏部覆福建總督興永朝疏查禮部新定儀註內開順治十八年定例副將見巡撫免披執由中門進至儀門外下馬巡撫簷下迎送坐次巡撫上坐副將傍坐文

移巡撫用照會副將用咨呈今各關監督與總督巡撫相見及用文移之處俱照副將與巡撫相見行文例行等語今海關監督竟用平行不合各罰俸一年至筆帖式舉動擬於使者各降一級罰俸一年奉

旨依議

○三十年間差太僕寺少卿鴻臚寺少卿等官

○三十一年各關筆帖式照鹽差事例每關差遣二員

○五十五年各關裁省筆帖式

○六十二年濟墅關巡撫帶理

雍正二年濟墅關蘇州織造兼理